

①浮丘道人，文山別號。

②句以蘇武爲喻，見前注。

③睢陽謂張巡，南八，謂南霽雲，並見前注。

有母有母①死南國，天氣黯淡殺氣黑。忍埋玉骨厓山側，蓼莪②劬勞淚沾臆。孤兒以忠報罔極，③拔舌剖心命何惜！地結蓼弘④血成碧，九泉見母無言責。嗚呼二歌兮歌復憶，魂招不來長嘆息。

①母謂文山母曾夫人，以祥興元年九月卒，時文山屯兵海豐也。

②蓼莪，詩經篇名，孝子追念父

母之作也，有『哀哀父母，生我劬勞！』之語。

③罔極，猶無極也。蓼莪有『欲報之德，昊天罔極！』

言父母恩如天之無極也。

④蓼弘，見前鄧剡詩注。

有弟有弟①隔風雪，音信不通雁飛絕。獨處空廬坐繯綫，短衣凍指不能結。天生男兒硬如鐵，白刃飛空肢體裂。此時與汝成永訣，汝于何處收兄骨？嗚呼三歌兮歌聲咽，魂招不來淚流血！

①文山有弟，曰璧，曰璋，璋自船澳奉母喪趨惠州別，璧在羊城別，自是南北隔絕。

丁未年未①天一市，良人去後逢此殃。黃塵暗天道路長，男吟女呻不得將。汝母

已死埋炎荒，汝兄跣足行。雪霜萬里相逢淚，滂滂驚定拭淚還悲傷。嗚呼四歌兮，歌欲狂，魂招不來歸故鄉。

①文山有妹，長曰懿孫，次曰淑孫。長適孫氏，不幸家沒入燕，攜子女，伶仃孤苦，客食萬里。

有妻有妻，①不得顧，饑走荒山汗如雨。一朝中道逢狼虎，不肯偷生作人婦。左掖虞姬右陵母，一劍捐生剛自許。天上地下吾與汝，夫爲忠臣妻烈女。嗚呼五歌兮，歌聲苦，魂招不來在何所！

①文山夫人，姓歐陽氏。

有子有子，①衣裳單，皮肉凍死傷其寒。篷空煨燼不得安，叫怒索飯饑無餐。亂離走竄千里山，荆棘蹲坐膚不完。失身被繫淚不乾，父聞此語摧心肝。嗚呼六歌兮，歌欲殘，魂招不來心鼻酸。

①文山長子，曰道生，次曰佛生，均早逝，以姪陞爲嗣。

有女有女，①清且淑，學母曉妝顏如玉。憶昔狼狽走空谷，不得還家收骨肉。關河

喪亂多殺戮，白日驅人夜燒屋。一雙白壁委溝瀆，日暮潛行向天哭。嗚呼七歌兮歌不足，魂招不來淚盈掬。

①文山有女，曰柳娘、環娘。

有詩有詩吟嘯集，①紙上飛蛇歎香汁。杜陵寶唾手親拾，②滄海月明老珠泣。天地長留國風什，鬼神呵護六丁立。我公筆勢人莫及，每一呻吟淚痕濕。嗚呼八歌兮歌轉急，魂招不來風習習。

①吟嘯集，文山詩集之一。②文山有集杜詩二百首。

有官有官位卿相，一代儒宗一敬讓。家亡國破身漂蕩，鐵漢生擒今北向。忠肝義膽不可狀，要與人間留好樣。惜哉斯文天已喪，我作哀章淚淒愴！嗚呼九歌兮歌始放，魂招不來默惆悵！

鄭思肖

思肖，字憶翁，號所南，福州連江人。太學上舍，應博學宏詞科，元兵南下，叩闕上太后幼主疏，辭切直，忤當路，不報，遂客吳下，寄食城南報國寺以終。有錦錢、咸淳、中興等集。

輟耕錄：先生剛介有立志，會元兵南下，叩闕上疏，犯新禁，衆爭目之，由是遂變名曰肖，曰南，義不忘趙，北面他姓也。隱居吳下，一室蕭然，坐必南向，歲時伏臘，望南野哭，再拜乃返，人莫識焉。工畫墨蘭，不妄與人，邑宰求之不得，聞先生有田三十畝，因脅以賦役取，先生曰：『頭可斫，蘭不可得。』過齊子若之書塾云：『此世但除君父外，不曾別受一人恩。』寒菊云：『禦寒不藉水爲命，去國自同金鑄心。』其忠肝義膽，于此可見。

遺民錄：所南初名某，宋亡，乃改名思肖，卽思趙，憶翁與所南，皆寓意也。坐臥不北向，匾其堂曰本穴世界，以本之十，置下文，則大宋也。精墨蘭，自更祚後，爲蘭不畫土，根無所憑藉。或問其故，則云：『地爲人奪去，汝猶不知耶！』

墨蘭

鍾得至清氣，精神欲照人。抱香懷古意，戀國憶前身。空色微開曉，晴光淡弄春。淒

涼如怨望，今日有遺民。

寫憤四首錄一

天命尙屬漢，大夫空美新。^①三宮^②猶萬里，一念只孤臣。淚盡眼中血，心狂夢裏身。勿云今已矣，舉首卽蒼旻。

^①新謂新莽。大夫謂揚雄也。雄諂事莽，故云。

^②三宮，謂全后、謝后、幼主，時已降元在燕京。

書前後臣子盟檄後

死亦烏可已，丹心闡大猷。恭承父母教，用翦國家讎。日破四洲^①，夜天開六幕^②。秋終當見行事，不與世同流。

^①四洲，佛家語，猶言九州。

^②六幕，猶六合也。

語聲

語聲帶咽吐新詩，徹骨啣冤痛不知。報國心惟憂漢賊，讀書人肯學胡兒？劍攜人手霜三尺，鏡掛當胸月一規。終究難磨天理在，匪伊談笑定時危。

詠制置李公芾①

舉家自殺盡忠臣，仰面青天哭斷雲。聽得北人歌裏唱，潭州城是鐵州城。

①李芾字叔章，宋衡州人。以蔭歷知永州、溫州，咸有聲績。德祐初知潭州，元兵圍城，芾親冒矢石，城垂陷，闔門死之，諡忠節。芾爲人剛介，臨事精強過人，好賢禮士，爲衆所歸。

詠察使姜公才①

殺氣盤空白晝陰，始終不受似精金。直疑碧落三更月，來作將軍一片心。

①姜才，宋濠州人。隸淮南兵中，以善戰名，爲通州副都統，與元兵屢戰屢勝。宋亡，元使人招之，才不聽，以疽發背不能戰，被執不屈死。

詠都統王公安節①

健兒三百陷胡塵，匹馬孤騰勇過人。至死執刀仍罵賊，自言不作兩朝臣。

①王安節，堅子，宋度宗時爲東南第七副將，駐兵江陵。元兵攻常，常城素惡，安節作柵以守，相拒兩月不下。元丞相伯顏自將攻之，屢招降不下，麾兵破南門，安節被執，不屈死。

自題大義集後

長夜漫漫發浩歌，生民塗炭果如何！中興車馬修攘在，變雅君臣廢缺多。赤幟開明新日月，青氈恢復舊山河。誓崇忠義誅姦逆，田海①雖遷志不磨。

①田海謂滄海桑田。

寅辰歲旦歌①

天運無情歲事新，大寶虛位孤王春。晝出銜恤②夜夢哭，皇皇五載臣無君。南望二王③未駐蹕，北憶三宮猶蒙塵。祆祲蝕日地軸折，冤氣上騰霾蒼雯。百姓茹苦痛徹髓，大事未定焦如焚。我寧久處遜悶中，遽忍終死爲逆民。大哉父母之遺體，與生俱生仁義身。天鍊精金鑄我心，上籀忠孝兩字文。痛憶我君我父母，眼中不識天下人。不變不變不不變，萬挫以死無二心。醉喝海嶽尙翻動，不信不滅犬羊羣。或謂逝水不可復，叱我癡忠空愁顰。焉知漢絕十八載，④光武乃興春陵兵。卽此一語漸世事，叩面再拜淚如頤。

（時爲魏祚亡後之四年）（二）後恤猶言銜憂語本詩小雅（三）二王謂益王廣王（四）西漢絕于

平帝元始五年，至王莽五年，光武始起兵舂陵，相隔凡十八年。

勵志

大哉天地經，森然不可踰。聖人治天下，綱常安厥居。誰謂遭大變，干戈血模糊。天地忽破碎，虎狼穴吾廬。毒氣孽萬物，草木亦焦枯。我爲國之臣，于義當捐軀。受死不爲痛，國家終何如。念此迫我心，萬劍裂肌膚。骨腐尙啣冤，且爲國家圖。鬼神果有知，聞之亦歔歔！

一礪

愈久愈不變，一忱生死俱。獨行天與語，枯坐石爲徒。血汗衣冠國，冤浮盜賊區。何當洗兵馬，終古統炎圖。

二勵二首

愁裏高歌梁父吟，猶如金玉戛商音。十年勾踐亡吳計，①七日包胥哭楚心。②秋

送新鴻哀破國，晝行饑虎嚙空林。胸中有誓深于海，肯使神州竟陸沈。

①勾踐十年生聚，十年教訓，遂報吳仇。

②申包胥，楚大夫。伍員以吳師入楚，包胥入秦乞師，依庭

牆哭七日，秦伯乃遣將定其國難。

鈞天夢冷紫宸春，①臣子含哀社稷屯。②一縷血忱開白日，兩篇③心誓哭蒼旻。

渡江祖逖④願興晉，蹈海仲連⑤羞帝秦。回首故都宮闕恨，滿山秋色正愁人。

①首句謂亡國。鈞天，謂鈞天廣樂。

②屯亦作述。易屯如遭如，難行不進貌。

③鄭所南心史有前

後臣子盟檄二篇，原注謂指此。

④祖逖，見前文天祥詩注。

⑤魯仲連，見前文天祥詩注。

八礪

黃道霾陰晝蝕光，野浮冤氣白冥茫。世無聖主天應哭，時有忠臣國不亡。萬刃攢身終莫變，一誠銘骨豈能忘。休嫌重複叨叨說，未奏膚功正斷腸。

劉 堦

堦，字起潛，宋末南豐人。博覽工詩文，有水雲村稿。

丞相信國公文公

時平輒棄置，事迫甘前驅。嗚呼忠義臣，匪直科目儒。江寒朔吹急，列城同一趨。豈不希便安，綱常乃當扶。移檄倡諸鎮，奮袂躬援桴。川決我莫回，萬險棲海隅。天平復不濟，道窮竟成俘。一死事乃了，吾頭任模糊。悠悠譏好名，責人無已夫。三衢有魁相，^①投老作尙書。

①三衢魁相，謂留夢炎，夢炎宋狀元宰相投元者。

潘音

音，字聲甫，天台人。宋季躬耕不仕，有待清軒遺藁。

悼文丞相

回首中原已陸沈，捐軀朔漠氣蕭森。恐吹餘燼成炎火，未許黃冠返故林。①社稷忽生千古色，綱常無忝百年心。總拚清骨縈荒草，不復胡沙掩素襟。

①兩句謂元如釋文山回南，必將再圖興復。按王積翁等見文山不屈，欲請釋爲道士，留夢炎不可，曰：『天祥出，復號召江南，置吾輩於何地！』事遂寢。

劉麟瑞

麟瑞，字如村，壩子工詩，至治間，追惟宋末仗義死節之士，搜討遺事，賦五十律，題曰昭忠逸咏。

丞相信國公文公

金字牌飛出建章，^①鬱孤^②萬壘爲勤王。驅馳嶺海君臣寓，囚繫燕雲道路長。六籍一時光日月，孤忠千古立綱常。元歸凜凜渾生氣，南北人誇姓氏香。

①句謂宋帝下詔徵天下兵勤王。

②鬱孤，山名，在今江西贛縣。

湖南安撫知潭州李公芾^①

平楚樓頭矢石驚，焚香稽首別宸京。盡殲妻子期全節，^②寧死封疆不忍生。烟燄張空隳趙壁，^③旌旗倒影^④下湘城。善刀^⑤人在同觀化，名與澄江一樣清。

①李芾，字叔章，宋衡州人。德祐初守潭州，元軍圍城，芾親冒矢石，城垂陷，闔門死之，諡忠節。芾爲人剛介，臨事精強過人，好賢禮士，爲衆所歸。②潭州將陷，芾令帳下沈忠盡殺其家人，己亦引頸受

刑。③句猶玉石俱焚之意。

④元兵決湟水圍城，故曰旌旗倒影。

⑤善刀，莊子語，謂拭刀也。觀

化，亦莊子語，言見人死，有『倚戶觀化』之句。此當是指沈忠事。

淮東制置使李公庭芝①

淮海曾聞一偉人，十年臥護息邊塵。②重來鐵騎攻城急，旋執金戈赴陣頻。夢入

甌閩期立極，③路遵通泰條捐身。④平山堂⑤下悲風起，魂繞瓊花⑥萬樹春。

①李庭芝，字祥甫，宋隨人。淳祐初舉進士，後主管兩淮制置事，守揚州，破李壇兵。咸淳末元兵圍揚，遣人招降，庭芝悉誅之。既而益王遣使召庭芝，行至泰州，裨將以城降元，庭芝赴蓮池，水淺不得死，被執至揚，遇害。②句謂守揚固，能靖邊塵。③句謂奉益王召將由溫州入閩以扶王室。④句

謂庭芝行經泰州被執而死。⑤平山堂，在江都（即揚州）西北蜀岡上。⑥揚州有瓊花。

丞相陸公秀夫①

八面兵威八面攻，馮夷②飛血洗千篷。波翻水寨乾坤震，風仆檣旗③社稷空。百

梓散班奔鷁首，④孤臣扈蹕憩龍宮。⑤茫茫南國重回首，一片丹心照海紅。

秀夫追及之，與陳宜中、張世傑等立益王於福州。時君臣播越海濱，庶事疎略，秀夫儼然正笏，如治朝，或時在行中，淒然泣下，以朝衣拭淚，衣盡浥，左右無不悲慟者。王殂，又立衛王，秀夫爲左丞相。厓山破，秀夫驅妻子先入海，負王赴海死。①馮夷，水神也。②方厓山戰時，世傑部有一舟檣旗仆，諸舟之檣旗皆仆，於是諸軍大潰。④句謂百官奔船首也。百辟猶言百官，鷁首謂船首也。⑤句謂秀夫抱帝入海死。

樞密張公世傑①

曾擁貔貅奏凱歌，厓山雲暝竟蹉跎。地空九有棲荒服，寨列千艘保海阿。②龍躍璽沈天若此，③鳥鳴石絕④事如何！鯨波沃日炎光熄，凜凜英魂尙枕戈。

①張世傑，宋范陽人。出身軍旅，元兵迫臨安，從二王入福州，拜簽書樞密院事，奉益王入海。衛王昺立，從至厓山，張宏範攻厓山，世傑以數艦遁去，後還收兵厓山，復欲求趙氏後立之，俄颶風壞舟溺死。②兩句謂國土已盡，退保海濱。③句謂帝昺繫組溺海死。④鳥鳴，謂兵敗而遁也。左傳襄十八年，叔向告晉侯曰：『城上有烏，齊師其遁。』師曠告晉侯曰：『烏烏之聲樂，齊師其遁。』石，繫

舟之物，可絕，謂厓山船失所繫而敗亡也。

江東制置使謝公枋得①

草履麻衣漫蔽形，十年賣卜②慣零丁。願從楚地師龔勝，③欲向遼城友管寧，④采石⑤吟成期絕粒，娥碑⑥讀罷棄餘齡。一門盡節均無媿，千載西山疊疊青。

①見前。

②見前謝枋得仕履。

③見前謝枋得詩注。

④管寧見前文天祥詩注。

⑤枋得被迫

北行，既渡采石，即不食。

⑥枋得抵燕，疾甚，居憫忠寺，見壁間曹娥碑，泣曰：『小女子猶爾，我豈不

汝若哉！』遂絕食死。曹娥事見林景熙詩注。

階州守臣董公鵬飛①

相傳報怨撼階州，②虎旅飛來睨敵樓。楛矢蔽空天入暝，鵝車衝壘地生愁。金城魚肉千年恨，闔境衣冠六日休。莫怪傳家猶強項，③雲孫④忠節更風流。

①董鵬飛，不詳。

②階州，今甘肅武都。

③漢董宣爲洛陽令，搏擊強豪，稱強項令。

④雲孫，猶言

裔孫，意謂相隔已遠如浮雲也。

名重天閭侍少微，^①昔年南國秉樞機。人歸綠野身猶健，兵滿紅塵世已非。止水亭前風淅淅，鄱陽^②城外草依依。棣華^④相映人閒瑞，節惠隆名世所稀。

^①江萬里，字子遠，宋都昌人。度宗朝官左丞相，以峭直爲賈似道所惡，加特進予祠，萬里於芝山鑿池，扁其亭曰止水，人莫喻其意，元兵至，赴止水死。其弟曰萬頃，知南劍州，爲元兵所殺。^②少微，星名，士大夫之位也。^③芝山，在鄱陽城北。^④棣華，猶言兄弟。

參政高公應松^①

腸斷吳山^②錦繡叢，六更聲絕海潮空。^③千門鎖月移行在，八駿乘風憩會同。^④扈蹕孤臣慙主辱，征鞍萬里哭途窮。兩宮緩緩趨朝陛，回首天南獨死忠。

^①高應松，字箕畝，宋長樂人。開慶進士，累遷翰林院權直，元兵至臨安，挾宋降，應松不肯草降表。及元兵入城，舉朝奔竄，從官留者九人，應松其一也，擢端明殿學士，簽書樞密院事，從恭帝入燕，絕粒不語，越七日卒。^②吳山在杭城，俗名城隍山。^③宋宮禁有六更，故曰六更聲絕。元兵抵杭，屯錢唐江沙上，人方幸波濤大作，一洗而空之，潮三日不至。^④見前范成大詩注。

徐世隆

世隆，字威卿，元西華人，中統間官集賢院學士，有威卿集。

挽文丞相

大元不殺文丞相，君義臣忠兩得之。義似漢王封齒^①日，忠如蜀將斬顏^②時。精神貫日華夷見，氣節凌霜天地知。卻恐史臣編不到，老夫和淚寫新詩。

① 雍齒，漢沛人。從高祖起兵，旋畔去，已而復歸高祖，從戰有功，然終爲高祖所不快。高祖嘗恐諸將怨望，從張良言，先封齒爲什邡侯，於是諸將皆喜，曰：『雍齒且封，吾屬無患矣。』
② 嚴顏，見前文
天祥詩注。

集，字伯生，號道園，元仁壽人。仕元至奎章閣侍書學士，纂修經世大典，一時大典冊，均出其手，每承顧問，必隨事盡言，以爲諷諫。有道園學古錄、道園遺稿。

哭文山丞相

徒把金戈挽落暉，^①南冠無奈北風吹。子房^②本爲韓讎出，諸葛^③寧知漢祚移！雲暗鼎湖龍去遠，^④月明華表鶴歸遲。^⑤不須更上新亭^⑥望，大不如前灑淚時。

①句用魯陽揮戈故事。淮南子：『魯陽公與韓構難，戰酣方暮，援戈而揮之，日爲之反三舍。』

②張良，字子房，爲韓報仇，見文天祥詩注。③諸葛亮，見前注。④句謂宋帝已亡。鼎湖本黃帝升仙

之處，後人引以言帝王之崩。⑤句謂文山之死。搜神記：『丁令威學道於靈虛山，後化鶴歸遼，集

華表柱云，『有鳥有鳥丁令威，去家千年今始歸。城郭如故人民非，何不學仙冢壘壘！』後人用

爲人死之詞。按華表，墓上石柱也。⑥新亭在今南京江上，亦名勞勞亭。東晉諸名士於新亭飲宴，

周顗嘆曰：『風景不殊，舉目有山河之異！』皆相視流涕。惟王導愀然變色曰：『當共戮力王室，克

復神州，何至作楚囚相對！』詩之末二句，言東晉雖偏安江左，今則山河全失，更不如矣。

彭友信

友信，字以實，明攸縣人。洪武初貢生，召對稱旨，授北平布政使。有方伯集。

宋丞相文文山三月三日獄中遺墨①

崖山雲寒海舟覆，六載孤臣老幽獄。東風嘯鳩三月三，五陵望斷春蕪綠。長帆昔挂秦淮船，手持一柱擎天南。閒關嶺海血灑檄，回首家國如飛烟。六宮粉黛黃沙裏，漢火無光吹不起。全驅肯學褚淵②生，嚼舌甘爲杲卿③死。落花上巳風雨時，展卷如對麟鳳姿。再拜酌公金屈卮，有口不讀蘭亭詩。

①指南後錄上巳一首，序曰：『予自丙子上巳日，真州屏之城門外，於今憂患通六年，俯仰時節，爲之慨然！』詩云：『昔日長淮樹去帆，今從燕薊眺東南。泥沙一命九分九，風雨六年三月三。地下故人那可作，天涯游子竟何堪。便從餓死傷遲暮，面對西山已發慚。』

②褚淵字彥回，南齊陽翟人。

美儀容，初尙宋武帝女，明帝崩，遺詔以爲中書令。淵心識齊高帝（蕭道成）非常人，顧命之際，引

胡奎

奎，字虛白，明海寧人。博貫經史，尤長于詩。洪武中以儒學徵官寧王府教授，嘗過望湖亭，和東坡詩書於壁，有老人觀之曰：『六百年來無此作矣，君非斗南先生耶！』言訖忽不見，故人稱斗南先生，有斗南老人集。

悼文山

裂指西風感別離，乾坤人物太奇奇。生爲孝子忠臣勸，死有皇天后土知。萬折江流魚腹石，①千年人立首陽碑。②一門史氏春秋筆，愁把湖光入畫時。

①句以孔明喻文山。魚腹石謂八陣圖。②句以夷齊高節爲喻。

甘瑾

瑾，明餘千人，工詩。

讀文丞相傳

萬里胡天泣楚冠，^①南雲歸計路漫漫。尙圖一旅^②興王易，不念孤兒立國難。樓櫓海門西日暗，劍歌江介北風寒。九原負痛遺編在，朔雪殘燈掩淚看！_{明詩統}

①楚冠見前宇文虛中詩『南冠』條注。

②夏少康一旅之衆，可以中興。

金幼孜

幼孜，名善，以字行，明新淦人。建文進士，洪熙初官至禮部尚書，有北征錄、金文靖集。

讀文丞相傳有感

憶昨中原板蕩①，秋銜哀日夜在興周。全生不爲功名計，後死空懷社稷謀。皦皦丹心明日月，巍巍大節重山丘。北來弔古看遺錄，祇在當時淚已流。

①詩大雅有板蕩二篇，皆言厲王之無道，以喻宋世之亂，故下句興周，猶言興宋。

薛瑄

瑄，字德溫，明河津人。永樂進士，宣德中授御史，英宗復辟，拜禮部侍郎，謚文清。瑄學本於程朱，以復性爲主。有薛文清集、從政名言。

讀文山傳

氛祲冥冥①暗海波，英雄無地用干戈。精忠在我當如此，成敗由天奈若何！渺渺蒼梧②西日澹，蕭蕭大地北風多。睢陽錦里③皆祠廟，丞相勛名共不磨。

①氛祲，妖凶之氣；冥冥，晦暗也。

②蒼梧，地名，在今廣西，舜崩於此。見鄧剡詩注。

③睢陽，謂張巡

許遠雙忠廟。錦里在成都，有諸葛丞相祠。句謂文山以丞相而盡節，故云。

朔氣蕭森歲向深，揮戈拭淚動哀吟。艱危已竭回天力，慷慨猶存捧日心。海水尋常秋月冷，燕雲千里暮星沈。④悠悠往事都如夢，祇有孤忠照古今。

④五句喻宋亡於崖山，六句喻文山死於燕。

勢已傾寧畏死，孤忠自許敢求全。當時桃李知何限，回首春風盡落然。

①悲禾黍，見前岳飛詩注。

②杜鵑見前注，句謂厓山之敗，帝昺溺海死，故言慘也。

陳獻章

獻章，字公甫，明新會人。正統舉人，從吳與弼講學，以薦授翰林檢討，乞終養歸，屢薦不起。其學以靜爲主，居白沙里，門人稱白沙先生。有白沙集。

題厓山奇石陰詩

國粹學報：白沙居近厓門，每登臨奇石，憑弔宋帝與張陸諸君殉國處，見張宏範紀功之銘，銘曰：「鎮國大將軍張宏範滅宋於此。」乃爲冠一「宋」字於上以醜之，更於石陰題詩云云。

忍奪中華與外夷，乾坤回首重堪悲。鑄功奇石張宏範，①不是胡兒是漢兒！

①張宏範，字仲疇，定興人。元初爲都元帥，督兵侵宋，執文天祥於五坡嶺，破張世傑、陸秀夫於厓山，因以亡宋。

厓山大宗祠詩

三也申氏比大忠，百年舟楫更誰司！蒼厓不是無春色，吹盡斜陽一笛中。

傷心欲寫厓山事，惟看東流去不回。草木暗隨忠魄弔，江淮長爲節臣哀。精神貫日華夷見，氣脈凌霜天地開。耿耿聖旌何處是，英靈抱帝海濤隈。

①陸公，謂陸秀夫，詳見前注。

楊一清

一清，字應寧，明雲南安寧州人。成化進士，累官至華蓋殿大學士，卒諡文襄，有石淙類稿。

謁睢陽協忠廟①

一旅閒關百戰中，漁陽鼙鼓避英風。②城危竟失江淮蔽，義正終收郭李③功。滅賊死甘爲厲鬼，④擁兵身恨失奸雄。年年明水祠宮在，不愧前朝表協忠。

①見前注。

②句謂安祿山作亂。

③郭謂郭子儀，唐華州人。玄宗時爲朔方節度使，平安史，聯回

紇，征吐蕃，以一身繫天下安危者二十年。封汾陽郡王，故亦稱郭汾陽。李謂李光弼，唐柳州人。肅宗時拜節度使，平安史之亂，與郭子儀齊名。④句用南霽雲故事，見前謝枋得詩注。

程敏政

敏政，字克勤，明休寧人。成化丙戌進士，累官吏部侍郎，有篁墩集。

謁京口魏勝①將軍廟

長風吹山磯，落日下京口。②桓桓魏將軍，廟食此邦久。土馬③賸儀衛，金書炫庭牖。忠義夙所欽，再拜酌江酒。憶當宋社南，君臣竄身走。將軍起田間，意氣最雄赳。孤城江海上，日日事攻守。中原天弗畀，竟爾隨戎醜。前旌曉不揚，雄劍夜空吼。何人始召亂，志士徒殞首。當時百戰場，荒落見沙柳。

①魏勝，字彥威，宋宿遷人。智勇善戰，金人南侵，聚義士三百取漣水，下海州，屢敗金兵。勝善用大刀，能左右射，揭旗曰，山東魏勝，金人見即退走。隆興中知楚州，時和議未決，金兵乘懈侵邊，勝拒於淮陽，中矢墜馬死。②京口，地名，在今江蘇丹徒。③土馬，廟前所塑泥馬也。

李夢陽

夢陽，字獻吉，明慶陽人。弘治癸丑進士，累官至江西提學副使，有空同集。

石將軍①戰場歌

清風店②南逢父老，告我已巳③年間事。店北猶存古戰場，遺鏃尙帶勤王字。憶昔蒙塵實慘怛，反覆勢如風雨至。紫荆關④頭晝吹角，殺氣軍聲滿幽朔。胡兒飲馬彰義門，⑤烽火夜照燕山雲。內有于尙書，⑥外有石將軍。石家官軍若雷電，天清野曠來酣戰。朝廷旣失紫荆關，吾民豈保清風店。牽爺負子無處逃，哭聲震天風怒號。兒女牀頭伏鼓角，野人屋上看旌旄。將軍此時挺戈出，殺敵不異草與蒿。追北歸來血洗刀，白日不動蒼天高。萬里煙塵一劍掃，父子英雄⑦古來少。單于痛哭倒馬關，⑧羯奴半死飛狐道。⑨處處懽聲噪鼓旗，家家牛酒犒王師。應追漢室嫖姚將，⑩還憶唐家郭子儀。⑪沈吟此事六十春，此地經過淚滿巾。黃雲落日

初千乘萬駟下皇都。乾坤得見中興主，殺伐重開再造圖。姓名應勒雲臺^⑤，上如此戰功，天下無。嗚呼戰功今已無，安得再生此輩西備胡。

①石亨，明渭南人。善騎射，正統中協守萬全路，及英宗北狩，數立奇功，所向無敵，累官鎮朔大將軍，總帥京軍團營。景帝病，亨與曹吉祥迎英宗復辟，進爵忠國公。

②清風店，地名，在河北定縣北。

③己巳，爲英宗十四年。是年瓦剌入寇，帝親征，師潰被執。

④紫荊關，在今河北易縣西紫荊嶺上。

⑤彰義門，不詳，或指燕都城門言。

⑥于謙，字廷益，明錢唐人。永樂進士，宣宗朝歷官中外，頗有

政績。英宗土木之變，京師震驚，羣議南渡，謙議立景帝，定策固守，以社稷安危爲己任，官至兵部尙書，後英宗復辟，被殺。萬歷時，謚忠肅。

⑦亨從子彪，驍勇善戰，英宗北狩，彪從亨數戰有奇功，爲大

同參將。

⑧倒馬關，在今河北唐縣西北，以山路險滑，馬爲之倒，而名。

⑨飛狐道，謂飛狐關，在今

河北涑源縣北。

⑩嫖姚將，謂霍去病，去病，漢平陽人。武帝時，爲嫖姚校尉，伐匈奴有功，先後凡六

出，渡沙漠，封狼居胥山而還，拜嫖姚將軍。帝嘗爲治第，去病曰：『匈奴未滅，何以爲家！』帝益重之。

⑪見前注。

⑫居庸，關名，在今昌平縣西北，最險峻。

⑬雲臺，漢宮臺名，永平中顯宗追感前世，

乃圖畫二十八將於上。

邊 貢

貢，字廷實，明歷城人。弘治進士，累官戶部尚書，有華泉集。

謁文山祠

丞相英霸迴未消，絳帷燈火颯寒飈。
黃冠①日月胡雲斷，碧血山河龍馭②遙。
花外子規③燕市月，水邊精衛④浙江潮。
祠堂亦有西湖樹，不遣南枝向北朝。

①黃冠見前注。

②天子崩曰龍馭上賓，見前鼎湖注。

③子規、精衛，並見前注。

④精衛，鳥名，詳

見前注。

黃相

相，字弼甫，明莆田人。弘治丙辰進士，官九江知府，有一溪集。

謁岳武穆廟①

古廟沈沈掩夕曛，西連孤壠結愁雲。金牌②卒墮和戎計，鐵騎空回少保③軍。萬里鑾輿終北狩，④百年基業遂中分。乾坤遺恨依然在，散作秋濤不忍聞。

①岳飛，字鵬舉，宋湯陰人。家貧力學，事母孝。宣和中以敢戰士應募，紹興中平江淮，歷授少保，河南北路招討使。既敗兀朮，欲北向規復，爲秦檜所阻，繫獄死。孝宗時，諡武穆。②飛既敗兀朮於郾城，遂進兵朱仙鎮，欲指日渡河，時秦檜力主和議，欲盡棄淮北地以與金，一日降十二金牌召飛還。

③少保謂飛。

④謂徽欽二帝北狩。

周用

用，字行之，明吳江人。弘治進士，官至吏部尙書，太子少保，卒諡恭肅，有恭肅集。

厓山二首

岡州①行殿火飄紅，井澳②樓船苦北風。猶謂夏康③能復國，可憐劉禪④已封公。漫山春草珠襦冷，卷地胡塵玉帳空。千古亂階⑤誰復問，直尋國史到元豐⑥。

①岡州卽岡縣，在廣東海中，宋端宗卒於此，陸秀夫等復立帝昺，升州爲翔龍縣。②井澳，在今廣東香山縣南海中橫琴山下。元將劉深攻帝於淺灣，世傑戰不利，奉帝避井澳，颶風大作，舟敗幾溺，

帝驚悸成疾。③夏康謂夏少康。見前甘瑾詩注。④劉禪，蜀後主，魏遣鄧艾鍾會伐之，從譙周策

詣降，封安樂公。此喻宋主降元，封瀛國公。⑤亂階，禍亂之階梯也。⑥元豐，宋神宗年號，其時王

安石行新法，弊害百出，國力中衰。句似謂宋之亡國，當歸咎於元豐新政，以其爲禍亂之階也。

①岡州卽岡縣，在廣東海中，宋端宗卒於此，陸秀夫等復立帝昺，升州爲翔龍縣。②井澳，在今廣東香山縣南海中橫琴山下。元將劉深攻帝於淺灣，世傑戰不利，奉帝避井澳，颶風大作，舟敗幾溺，帝驚悸成疾。③夏康謂夏少康。見前甘瑾詩注。④劉禪，蜀後主，魏遣鄧艾鍾會伐之，從譙周策詣降，封安樂公。此喻宋主降元，封瀛國公。⑤亂階，禍亂之階梯也。⑥元豐，宋神宗年號，其時王安石行新法，弊害百出，國力中衰。句似謂宋之亡國，當歸咎於元豐新政，以其爲禍亂之階也。

古三魚。墮地送秋草，鏡見橫沙落暮津。帝業艱難餘汝淚，黃埃無處望陳橋。
①宣和間，遼勢衰，金漸強盛，遂滅遼。②宋南渡傳高、孝、光、寧、理、度、恭七朝，德祐降後，羣臣復立端宗及帝昀，共計九朝。③厓山敗時，陸秀夫負帝入海死，羣臣從死甚衆，越數日，尸浮海上者數萬，元卒有求物尸間者，遇一尸，小而衣黃衣，負詔書之寶，當爲帝昀也。④白屋，謂平民也。青苗，王安石新法之一，謂官預出錢以貸民，納時加息二分，正月散而夏斂，五月散而秋斂，號青苗錢，安石用非其人，爲害閭閻。⑤玉魚，帝王殉葬物。⑥陳橋，驛名，在開封北，宋太祖行軍過此，諸將以黃袍加之，奉爲帝。

顧鼎臣

鼎臣，字九和，明崑山人。弘治進士，累官禮部尙書。有顧文康公詩草、未齋集。

讀文文山傳用少陵韻

崧嶽文山幾萬尋，燕山千古共蕭森。綱常允賴中流柱，賦咏空傳大雅音。無忝掄魁登宰輔，時于白日見丹心。堂堂信史英風在，午夜虛齋一振襟。

文徵明

徵明，初名璧，以字行，別號衡山，明長洲人。幼不慧，稍長穎異挺發，爲人和而介。正德中以歲貢生詣都，授翰林院待詔。詩文書畫皆工，而畫尤勝。有莆田集。

詠文信國事四首

地轉天旋事不同，老臣臨市自從容。誓將西嶺填東海，忍著南冠①向北風。千里勤王空赴義，百年養士獨收功。人間別有成仁樂，未用區區悼此公。

①南冠，見前「楚囚」條注。

倉卒勤王萬里身，風塵顛倒作纍臣。②三綱已去嗟何補，一死臨期認自真。直以安危繫天下，未宜成敗論斯人。遺文尙可誅奸賊，何但悲辛泣鬼神！

②纍臣，拘囚之臣。

國勢已離天命去，孤臣狼狽阻殘兵。分當如此餘非計，事訖無成死有名。平日公

卿咸肉食，千年忠義屬書生。狂胡盜竊曾無既，惜不令公見肅清。①

①末句謂明復中原，惜公未見。

南北間關百戰餘，此身宗社①許馳驅。可憐功業孤魂在，自決存亡大義俱。夷狄至愚猶歎服，②皇天無意欲何如！平生心事堪誰訴，漫託他年半紙書。

①宗社謂宗廟社稷。

②句謂信國孤忠，入燕不屈，每爲元人所歎服。

朱魯

仕履不詳。

文丞相忠孝外傳詩

天驕①敢笑帝山河，慣見中原主議和。選將爲聞丞相疏，磨刀欲試浙江波。南風不競②塵難掃，北道乘機凱欲歌。忠佞同朝誰辨得，華夷氣數竟如何！

①天驕，謂匈奴，此喻元蒙古人。②南風不競，猶言南宋勢衰。左傳襄十八年，師曠曰：『吾又歌南風，南風不競，多死聲，楚必無功。』

十年胡騎戰中華，破碎山河落日斜。未許行成留越使，①相將問鼎到周家。②茫茫國運天難問，鬱鬱忠腸事可嗟。淚灑英雄渾是血，憑風血染杜鵑花。

①句謂伯顏不許宋和，文山被留。②句謂欲滅宋，用楚子問周鼎故事。

陳嘉謨

嘉謨，字世顯，明廬陵人。嘉靖進士，官給事中，有念初堂集。

東昌父老嘗語余信國公生於永和石窟余自香林訪其地有文姓者公遠孫也石窟之南東有章水環之水外五鳳山高出漢表莫與並秀者

廬陵有砥柱，①可以障百川。降神在何許，乃在五鳳前。峨峨五鳳山，秀色橫天南。正氣川嶽合，孤光日月懸。成仁與取義，至今頑天廉。杖藜訪遺趾，野屋棲寒烟。拜公幾代孫，力耕十畝田。大賢固有後，所貴淳風全。我老與世辭，荷鋤理荒阡。愧公之閭里，三謝爲濟然。公靈耀箕尾，②千載當來旋。

①砥柱，卽中流砥柱，以喻人之獨立不撓者。

②耀箕尾，猶言騎箕尾，傳說故事，謂死後精神跨於

箕尾之間也。箕尾，二星名。

許炯

炯，字彥韜，明新會人。嘉靖辛卯舉人，有吾野漫筆十三卷。

厓山大忠祠

古祠牢落對行宮，朝市荒涼夕照中。玉璽①久歸滄海去，銅駝②空見碧苔封。已無杯土藏遺劍，③猶有餘民泣墮弓。④一曲雍門⑤歌不盡，滿山松柏起悲風。

①玉璽，天子之印。句謂帝昺負詔書之寶溺海死。

②銅駝，見前注。

③句謂無地可葬帝皇也。杯

土用「長陵杯土」事。

④句謂遺民念宋帝也，黃帝得道，騎龍上天，羣臣攀龍髯，斷墮烏號之弓。

⑤雍門周，古之善琴者，嘗干孟嘗君，鼓琴而歌，孟嘗涕淚增哀，下而就曰：「先生之鼓琴，能令文

若破國亡邑之人。」

螺川望文丞相墳

六歌①聲斷市朝空，紫蓋黃旂散朔風。厓海②有心同捧日，燕臺無路可從龍。蒼